



孔叢子

上末

二十一
三

服部文庫
117
290
2



117
290
2

記問第五



夫子聞居喟然而嘆子思再拜請曰意子孫不修將亦
 祖子思矣堯舜之道恨不及乎夫子曰爾孺子安知吾志
 子思對曰彼於進瞻函聞夫子之教其父析薪其子弗
 克負荷是謂不肖彼每思之所以大恐而不解也夫子
 忻然笑曰然乎吾無憂矣世不廢業其克昌乎○子思
 問於夫子曰為人君者莫不知任賢之逸也而不能
 賢何故子曰非不欲也所以官人任能者由於不明也
 其君以譽為賞以毀為罰賢者不居焉○子思問於夫
 子曰彼聞夫子之詔正俗化民之政莫善於禮樂也管

子任法以治齊而天下稱仁焉是法與禮樂異用而同功也何必但禮樂哉子曰堯舜之化百世不輟仁義之風遠也管仲任法身死則法息嚴而寡恩也若管仲之知足以定法材非管仲而專任法終必亂成矣○子思問於夫子曰物有形類事有真偽必審之矣由子曰由乎心心之精神是謂聖推數究理不以疑心誠伸通則教不能道周其所察聖人難諸○趙簡子使聘夫子夫子將至馬及河聞鳴犢與賈犢之見殺也迴輿而旋之衛息鄒遂為操曰周道衰微禮樂陵遲文武既墜吾將焉歸周遊天下靡邦可依鳳鳥不識珍寶梟鳴眷然顧之慘然心

誤雲按復句嬰句

悲中車命駕將適唐都黃河洋洋攸攸之魚臨津不濟還轅息鄒傷予道窮哀彼無辜翱翔于衛復我舊廬從吾所好其樂只且○哀公使以幣如衛迎夫子而卒不能賞用也故夫子作丘陵之歌曰登彼丘陵刻施其阪謂王室也仁道在邇求之若遠遂迷不復自嬰也謂指諸侯也寒唱然迴慮題彼泰山題顧也泰嶺確其高粱南迴連枳棘充路陟之無緣將伐無柯患茲蔓延惟以永歎涕霑潺湲梁甫太山之下○楚王使使奉金幣聘夫子宰子冉有曰夫子之道至是行矣遂請見問夫子曰太公勤身苦志八十而遇文王孰與許由之賢夫子曰許由獨善

萬曆五年刊

付高四百里六

其身者也太公兼利天下者也然今世無文王之君也
雖有太公孰能識之乃歌曰大道隱兮禮為基賢人竄
兮將待時天下如一欲何之○叔孫氏之車子曰鈕商
樵於野而獲獸焉衆莫之識以為不祥棄之五父之衢
冉有告夫子曰腐身而肉角豈天之妖乎夫子曰今何
在吾將觀焉遂往謂其御高柴曰若求之言其必麟乎
到視之果信言復問曰飛者宗鳳走者宗麟為其難致
也敢問今見其誰應之子曰天子布德將致太平則麟
鳳龜龍先為之祥今宗周將滅天下無主孰為來哉遂
泣曰予之於人猶麟之於獸也麟出而死吾道窮矣乃

歌曰唐虞世方麟鳳遊今非其時吾何求麟兮麟兮我
心憂

雜訓第六

子上雜所習請於子思孔白字子上子思之子也雜者諸子百家子思曰先
人有訓焉學必由聖所以致其材也厲必由砥所以致
其刃也故夫子之教必始於詩書而終於禮樂雜說不
與焉又何請子思謂子上曰白乎吾嘗深有思而莫之
得也於學則寤焉吾嘗企有望而莫之見也登高則觀
焉是故雖有本性而加之以學則無惑矣○縣子問子
思曰縣子名瑣魯人吾聞同聲者相好子之先君見子產特則

兄事之而世謂子產仁愛稱夫子聖人是謂聖道事仁
愛乎吾未諭其人之孰先後也故質於子子思曰然子
之問也昔季孫問子游亦若子之言也子游荅曰以子
產之仁愛譬夫子其猶浸水之與膏雨乎康子曰子產
死鄭人丈夫舍玦珮婦女舍珠瑱巷哭三月卒悲不作
夫子之死也吾未聞魯人之若是也奚故哉子游曰夫
浸水之所及也則生其所不及則死故民皆知焉膏雨
之所生也廣莫大焉民之受賜也普矣莫識其由來者
上德不德是以無德季孫曰善縣子曰其然○子孟子車
尚幼請見子思子思見之甚悅其志命子一待坐焉禮

敬子車其崇子上不願也客退子上請曰白聞之無介
不見女無媒不嫁孟孺子無介而見太人悅而敬之白
也未諭敢問子思曰然吾昔從夫子於郊遇程子於塗
傾蓋而話終日而別命子路將束帛贈焉以其道同於
君子也今孟子車孺子也言稱堯舜性樂仁義世所希
有也事之猶可况加敬乎非爾所及也○子思在魯使
以書如衛問子上子上北面再拜受書伏讀然後與使
者曼遂為復書返中庭北面再拜以授使者既受書然
後退使者還魯問子思曰吾子堂上南面立授臣書事
畢送臣子上中庭拜授臣書而不送何也子思曰拜而

可句

不送敬也使而送之賓也○魯人有同姓死而弗弔者
人曰在禮當免不免當弔不弔有司罰之如之何子之
無弔也荅曰吾以其疎遠也子思聞之曰無恩之甚也
昔者季孫康子問於夫子曰曰世之宗有絕道乎子曰繼
之以姓義無絕也故同姓為宗合族為屬雖國子之尊
不廢其親所以崇愛也是以綴之以食序列昭穆萬世
婚姻不通忠篤之道然也○魯穆公訪於子思曰寡人
不得嗣先君之業二年矣未知所以為令名者且欲掩
先君之惡以揚先君之善使談者有述焉為之若何願
先生教之也子思荅曰以役所聞舜禹之於其父非勿

欲也以為私情之細不如公義之大故弗敢私之云耳
責以虛飾之教又非役所得言公曰思之可以利民者
子思曰顧有惠百姓之心則莫如一切除非法之事也
毀不居之室以賜窮民奪嬖寵之祿以賑困匱無令人
有悲怨而後世有間見抑亦可公曰諾○縣子問子思
曰顏回問為邦夫子曰行夏之時若是殷周異正為非
乎子思曰夏數得天堯舜之所同也殷周之王征伐革
命以應乎天因改正朔若云天時之改耳故不相因也
夫受禪於人者則襲其統受命於天者則革之所以神
其事如天道之變然也三統之義夏得其正是以夫子

云○穆公問於子思曰立太子有常乎答曰有之在周
公之典公曰昔文王舍適而立其次微子舍孫而立其
弟是何法也子思曰殷人質而尊其尊故立弟周人文
而親其親故立子亦各其禮也文質不同其禮則異文
王舍適立次權也公曰苟得行權豈唯聖人唯賢與愛
立也子思曰聖人不以權教故立制垂法順之為貴若
必欲犯何有於異公曰舍賢立聖舍愚立賢何如子思
曰唯聖立聖其文主乎不及文王者則各賢其所愛不
殊於適何以限之必不能審賢愚之分請父兄群臣卜
於祖廟亦權之可也○孟軻問牧民何先子思曰先利

之曰君子之所以教民亦仁義固所以利之乎子思曰
上不仁則下不得其所上不義則樂為亂也此為不利
大矣故易曰利者義之和也又曰利用安身以崇德也
此皆利之大者也

居衛第七

子思居衛言苟變於衛君曰其材可將五百乘君任軍
旅率得此人則無敵於天下矣衛君曰吾知其材可將
然變也嘗為吏賦於民而食人二雞子以故弗用也子
思曰夫聖人之官人猶大匠之用木也取其所長棄其
所短故杞梓連抱而有數尺之朽良土不棄何也知其

所妨者細也卒成不訾之器今君處戰國之世選爪牙之士而以二卵棄千城之將此不可使聞於鄰國者也衛君再拜曰謹受教矣○子思適齊齊君之嬖臣美鬚眉立乎側齊君指之而笑且言曰假貌可相易寡人不惜此之鬚眉於先生也子思曰非所願也所願者唯君脩禮義富百姓而後得寄幣於君之境內從緇負之列其庸多矣若無此鬚鬣非後所病也昔堯身修十尺眉乃八彩實聖舜身修八尺有奇而領無毛亦聖禹湯文武及周公勤思勞體或折臂望視或禿髀背僂亦聖不以鬚眉美鬣為稱也人之賢聖在德豈在貌乎且吾性

無鬚眉而天下王侯不以此損其敬由是言之後徒患德之不邵美也不病毛鬣之不茂也○子思謂子上曰有可以為公之尊而富貴人衆不與焉者非唯志乎成其志者非唯無欲乎夫錦繡紛華所服不過溫體三牲太牢所食不過充腹知以身取節者則知足矣苟知足則不累其志矣○曾子謂子思曰昔者吾從夫子巡守於諸侯夫子未嘗失人臣之禮而猶聖道不行今吾觀子有傲世主之心無乃不容乎子思曰時移世異人有宜也當吾先君周制雖毀君臣固位上下相持若一體然夫欲行其道不執禮以求之則不能入也今天下諸

然句

侯方欲力爭競招英雄以自輔翼此乃得士則昌失士則亡之秋也彼於此時不自高人將下吾不自貴以將賤吾舜禹揖讓湯武用師非故相詭乃各時也○子思在齊尹文子生子不類怒而杖之告子思曰此非吾子也吾妻殆不婦吾將黜之子思曰若子之言則堯舜之妃復可疑也此二帝聖者之英而丹朱商均不及匹夫以是推之豈可類乎然舉其多者有此父斯有此子道之常也若夫賢父之有愚子此由天道自然非子之妻之罪也尹文子曰先生止之願無言文留妻矣○孟軻問子思曰堯舜文武之道可力而致乎子思曰彼人也

我人也稱其言履其行夜思之晝行之滋滋焉汲汲焉如農之赴時商之趨利惡有不至者乎○子思謂孟軻曰自大而不修其所以大不大矣自異而不修其所以異不異矣故君子高其行則人莫能階也遠其志則人莫能及也禮接於人人不敢慢辭交於人人不敢侮其唯高遠乎○申祥問曰之子張子殷人自契至湯而王周人自棄至武王而王同譽之後也周人追王太王王季文王而殷人獨否何也子思曰文質之異也周人之所追太王王迹起焉又曰文王受命斷虞芮之訟伐崇邦退犬戎追王太王王季何也子思曰狄人攻太王太王召

者老而問焉曰狄人何來者老曰欲得菽粟財貨大王
曰與之與之至無而狄人不止大王又問者老曰狄人
何欲者老曰欲土地大王曰與之者老曰君不為社稷
乎大王曰社稷所以為民也不可以所為民亡民也者
老曰君縱不為社稷不為宗廟乎大王曰宗廟者私也
不可以吾私害民遂杖策而去過梁山止乎岐下幽民
之束修奔而從之者三千乘一止而成三千乘之邑此
王道之端也成主於是追而王之王季其子也承其業
廣其基焉雖同追主不亦可乎○羊客問子思曰古之
帝王中分天下使二公治之謂之二伯周自后稷封為

王者後子孫據國至大王王季文王此固世為諸侯矣
焉得為西伯乎子思曰吾聞諸子夏殷王帝乙之時王
季以功九命作伯受珪瓚鬯之賜故文王因之得專征
伐此以諸侯為伯猶周召之君為伯也○子思年十六
適宋宋大夫樂朔與之言學焉朔曰尚書虞夏數四篇
善也下此以訖于秦費効堯舜之言耳殊不知也子思
荅曰事變有極正自當耳假令周公堯舜更時異處其
書周矣樂朔曰兄書之作欲以喻民也簡易為上而乃
故作難知之辭不亦繁乎子思曰書之意兼復深奧訓
詁成義古人所以為典雅也昔魯委巷亦有以君之言

聖按兄字可疑恐
凡字之誤

者役荅之曰道為知者傳苟非其人道不貴矣今君何似之甚也樂朔不悅而退曰孺子辱吾其徒曰此雖以宋為舊然世有讐焉請攻之遂圍子思宋君聞之駕而救子思子思既免曰文王困於牖里作周易祖君屈於陳蔡作春秋吾困於宋可無作乎於是撰中庸之書四十九篇

巡狩第八

子思遊齊陳莊伯與登泰山而觀見古天子巡狩之銘焉陳子曰我生獨不及帝王封禪之世子思曰子不欲爾今周室卑微諸侯無霸假以齊之衆義鄰國以輔文

武子孫之有德者則齊桓晉文之事不足言也陳子曰非不悅斯道力不堪也子聖人之後吾願有聞焉敢問昔聖帝明王巡狩之禮可得聞乎子思曰凡來聞者為求行之也今子自計必不能行欲聞何為陳子曰吾雖不敏亦樂先王之道於子何病而不吾告也子思乃告之曰古者天子將巡守必先告於祖禰命史告群廟及社稷圻內名山大川告者七日而徧親告用牲史告用幣申命冢宰而後道而出或以遷廟之主行載於齊車每舍奠馬及所經五嶽四瀆皆有牲幣歲二月東巡守至于岱宗柴于上帝望秩于山川所過諸侯各待於境

天子先問百年者所在而親問之然後觀方岳之諸侯
有功德者則發爵賜服以順陽義無功者則削黜貶退
以順陰義命史采民詩謠以觀其風命市納賈察民之
所好惡以知其志命典禮正制度均重衡考衣服之等
協時月日辰入其疆遺老失賢培克在位則君克山川
社稷有不親舉土荒民遊為無教無教者則君退民淫
僭上為無法無法者則君罪入其疆土地墾闢養老尊
賢俊傑在位則君有慶遂南巡五月至於南嶽又西巡
八月至于西嶽又北巡十有一月至于北嶽其禮皆如
岱宗歸反舍於外次三日齋親告于祖禰用牲命有司

告群廟社稷及圻內名山大川而後入聽朝此古者明
王巡守之禮也陳子曰諸侯朝于天子盟會霸王則亦
告宗廟山川乎子思曰告哉陳子曰王者巡守不及四
岳諸侯盟會不越鄰國則其禮同乎異乎子思曰天子
封圻千里公侯百里伯七十里子男五十里虞夏殷周
之常制也其或出此封者則其禮與巡守朝會無變其
不越封境雖行如國陳子曰古之義也吾今而後知不
學者淺之為人也

公儀第九

魯人有儀僭者數本皆作僭砥節礪行樂道好古恬於榮

利不事諸侯子思與之友穆公因子思欲以爲相謂子思曰公儀子必輔寡人豈分魯國而與之一子其言之子思對曰如君之言則公儀子愈所以不至也君若飢渴待賢納用其謀雖蔬食水飲及亦願在下風令徒以高宮厚祿釣餌君子無信用之意公儀子之智若魚鳥可也不然則似將終身不躡乎君之庭矣且臣不佞又不任爲君操竿下釣以蕩守節之士也○問丘溫見甲氏將必危齊欲以其邑叛而適魯穆公聞之謂子思曰子能懷之則寡人割邑如其邑以常宗子思曰及雖能之義所不爲也公曰何子思對曰彼爲人臣君將敗弗

能扶而叛之逆臣制國弗能以其身死而逃之此罪誅之人也及縱不能討而又要利以召姦非忍行也○穆公問子思曰吾聞龍欄氏子不孝其行何如對曰臣聞明君之爲政尊賢以崇德舉善以勸民則四方之內孰敢不化若夫過行是細人所識不治其本而問其過臣不知所以也公曰善○穆公謂子思曰子之書所記夫子之言或者以謂子之辭子思曰臣所記臣祖之言或親聞之者有聞之於人者雖非正其辭然猶不失其意焉且君之所疑者何公曰於事無非子思曰無非所以得臣祖之意也就如君言以爲臣之辭臣之辭無非則

亦所宜貴矣事既不然又何疑焉○穆公謂子思曰縣
子言子之為善不欲人譽也信乎子思對曰非臣之情
也臣之修善欲人知之知之而譽臣是臣之為善有勸
也此所願而不可得者也若臣之修善而人莫知莫知
則必毀臣是臣之為善而受毀也此臣所不願而不可
避者也若夫雞鳴為善滋滋以至夜半而曰不欲人之
知恐人之譽也臣以謂斯人也者非虛則愚也○胡毋
豹人謂子思曰子好天世莫能容子也蓋亦隨時乎子
思曰大非所病所病不大也凡所以求容於世為行道
也毀道以求容容何行焉大不見容命也毀大而求容

罪也吾弗改矣○子思居貧其友有饋之粟者受一車
焉或獻樽酒束修子思弗為當也或曰子取人粟而辭
吾酒脯是辭少而取多也於義則無名於分則不全而
子行之何也子思曰然彼不幸而貧於財至乃困乏將
恐絕先人之祀夫以受粟為禮之也酒脯則所以飲宴
也方之於食而乃飲宴非義也吾豈以為分哉度義而
行也或者擔其酒脯以歸○穆公問子思曰吾國可興
乎子思曰吁公曰為之奈何對曰苟君與大夫慕周公
伯禽之治行其政化開公家之惠杜私門之利結恩百
姓修禮鄰國其興也勃矣○子思曰吾之富貴其易而

由不能夫不取於人謂之富不辱於人謂之貴不取不辱其於富貴庶矣哉

抗志第十

曾申參之謂子思曰屈已以伸道乎抗志以貧賤乎子思曰道伸吾所願也今天下王侯其孰能哉與屈已以富貴不若抗志以貧賤屈已則制於人抗志則不愧於道○子思居衛衛人釣於河得鰥魚焉其大盈車子思問之曰鰥魚魚之難得者也子果何得之對曰吾始下釣垂一魴之餌鰥過而弗視也更以豚之半體則吞之矣子思喟然曰鰥雖難得貪以死餌士雖懷道貪以死

祿矣○子思居衛魯穆公卒縣子使子衛聞喪而服謂子思曰子雖未臣魯父母之國也先君宗廟在焉柰何不服子思曰吾豈愛乎禮不得也縣子曰請問之答曰臣而去國君不掃其宗廟則為之服寄公寓乎是國而為國服吾既無列於魯而祭在衛吾何服哉是寄臣而服所寄之君則舊君無服明不二君之義也縣子曰善哉我未之思也○衛君言討是非而群臣和者如出一口子思曰以吾觀所為君不君臣不臣者也公丘懿子曰何乃若是子思曰人主自滅則衆謀不進事是而滅之猶却衆謀况和非以長乎夫不察事之是非而悅人

之譖言聞莫其焉不度理之所在而阿諛求容諂莫甚焉君聞臣諂以居百姓之上民弗與也若此不已國無類矣○子思謂衛君曰君之國事將自非矣君曰何故對曰有由然焉君出言皆自以為是而卿大夫莫敢矯其非卿大夫出言亦皆自以為是而士庶莫敢矯其非君臣既自賢矣而群下同聲賢之賢之則順而有福矯之則逆而有禍故使如此如此則善矣從生詩曰具曰予聖誰知焉之雌雄抑亦似衛之君臣乎○衛君問子思曰寡人之政何如答曰無非君曰寡人不知其不肖亦望其如此也子思曰希言容媚則君親之中正邪非

則君疏之夫能使人富貴貧賤者君也在朝之士孰肯舍所以見親而取其所以見疏者乎是故競求射君之心而莫敢有非君之非者此臣所謂無非也公曰然乎寡人之過也今知改矣答曰君弗能焉口順而心不懌者臨其事必疚君雖有命臣未敢受也○司徒文子改葬其叔父問服於子思子思曰禮父母改葬總既葬而除不忍無服送至親也非父母無服無服則弔而加麻文子曰喪服既除然後乃葬則其服何服答曰三年之喪未葬服不變除何有焉期大功之喪服其所除之服以葬既葬而除之其虞也吉服以行事也○公叔木謂

申祥曰衛公叔文子之子定公十四年奔魯木或作朱春秋作戊吾於子思親而敬之子思未吾察也申祥以告曰人求親敬於子子何辱焉子思答曰義也申祥曰請聞之答曰公叔氏之子愛人之同邑慢而不知賢夫其親敬非心見吾所可親敬也以人占而親敬吾則亦以人口而疏慢吾矣申祥曰其不知賢奈何答曰有龍穆者徒好飾美辭說觀於坐席相人眉睫以為之意天下之淺人也而公叔子交之橋子良修實而不修名為善不為人之知已不撞不發如大鍾然天下之深人也而公叔子與之同邑而弗能知此其所以為愛同邑而不知賢也○子思自齊反衛

衛君館而問曰衛敬公先生魯國之士然不以衛之偏小猶步玉趾而慰存之願有賜於寡人也子思曰臣驕旅於此而辱君之威尊亟臨華門其榮多矣欲報君以財幣則君之府藏已盈而臣又貧欲報君以善言恐未合君志而徒言不聽也願未有可以報君者唯進賢爾衛君曰賢固寡人之所願也子思曰未審君之願將何以為君曰必用以治政子思曰君弗能也君曰何故答曰衛國非無賢才之士而君未有善政是賢才不見用故也君曰雖然願聞先生所以為賢者答曰君將以名取士耶以實取士耶君曰必以實子思曰衛之東境有李

音者賢而有實者也君曰其父祖何也答曰世農夫也
衛君乃胡盧大笑曰寡人不好農農夫之子無所用之
且世臣之子未悉官之子思曰臣稱李音稱其賢才也
周公大聖康叔大賢今魯衛之君未必皆同其祖考李
音父祖雖善農則音亦未必與之同也君言世臣之子
未悉官之則臣所謂有賢才而不見用果信矣臣之問
君固疑君之取士不以實也今君不問李音之所以為
賢才而聞其世農夫因笑而不愛則君取士果信名而
不由實者也衛君屈而無辭○衛君曰夫道大而難明
非吾所能也今欲學術何如子思曰君無然也體道者

逸而不窮任術者勞而無功古之薦道君子生不足以
喜之利何足以動之死不足以禁之害何足以怨之或禁
或作懼怨故明於死生之分通於利害之變雖以天下易
其脛毛無所繫於志矣是以與聖人居使窮士忘其貧
賤使王公簡其富貴君無然也衛君曰善○齊王謂子
思曰今天下擾擾諸侯無伯吾國大人衆圖帝何如子
思曰不可也君不能去君貪利之心上曰何害子思曰
夫水之性清而土壤汨之人之性安而嗜欲亂之故能
有天下者必無以天下為者也能有名譽者必無以名
譽為者也達此則其利心外矣○衛將軍文子之內子

訛所按三仁之行

死復者曰臯媚女復子思聞之曰此女氏之字非夫氏之名也婦人於夫氏以姓氏稱禮也○費下陽魯大夫家臣謂子思曰吾念宗周將滅泣涕不可禁也子思曰然此亦子之善意也夫能以智知可知而不能以智知未可知危之道也今以一人之身憂世之不治而泣涕不禁是憂河水之濁而以泣清之也其為無益莫大焉故微子去殷紀季入齊良知時也唯能不憂世之亂而患身之不治者可與言道矣○齊主戮其臣不辜謂子思曰吾知其不辜而適觸吾怒故戮之以為不足傷義也子思曰文主葬枯骨而天下知亡商紂斬朝涉而天下稱暴

夫義者不必徧利天下也暴者不必盡虐海內也以其所施而觀其意民乃去就焉今君因心之忿遷戮不辜以為無傷於義此非臣之所敢知也王曰寡人實過乃今聞命請改之○衛公子交見於子思曰先生聖人之後執清高之操天下之君子莫不服先生之太名也交雖不敏竊慕下風願師先生之行幸顧恤之子思曰公子不宜也夫清高之節不以私自累不以利煩意擇天下之至道行天下之正路今公子紹康叔之緒處戰伐之世當務收英雄保其疆土非所以明臧否立規檢修匹夫之行之時也○衛公子交饋馬四乘於子思曰交

不敢以此求先生之歡而辱先生之潔也先生又降於
鄙土蓋為賓主之餼馬子思曰彼寄命以來度身以服
衛之衣量腹以食衛之粟矣又且朝夕受酒脯及祭燔
之賜衣食已優意氣已定以無行志未敢當車馬之貺
禮雖有爵賜入不踰父兄今重違公予之盛旨則有失
禮之僭焉若何公予曰交已言於君矣答曰不可為人
子者三賜不及車馬公予曰我未之聞也謹受教○穆
公欲相子思子思不願將去魯魯君曰天下之王亦猶
寡人也去將安之子思答曰蓋聞君子猶鳥也疑之則
舉今君既疑矣又以已限天下之君臣竊為言之過也

○齊王謂子思曰先生名高於海內吐言則天下之士
莫不屬耳目今寡人欲相梁起起也名少願先談說之
也子思曰天下之士所以屬耳目者欲彼之言是非當
也今君使彼虛談於起則天下之士必改耳自矣耳自
既改又無益於起是兩有喪也故不敢承命齊君曰起
之不賢何也子思曰君豈未之知乎厚於財物必薄於
德自然之道也今起以貪成富聞於諸侯而無救施之
惠焉以好色聞於齊國而無男女之別焉有一於此猶
受其咎而起之能無累乎王曰寡人之言實過願先
生赦焉○子思見老萊子老萊子聞穆公將相子思老

萊子曰若子事君將何以爲乎子思曰順吾性情以道
輔之無死亡焉老萊子曰不可順子之性也子性剛而
傲不肖又且無所死亡非人臣也子思曰不肖故人之
所傲也夫事君道行言聽則何所死亡道不行言不聽
則亦不能事君所謂無死亡也老萊子曰子不見夫齒
乎齒堅剛卒盡相磨舌柔順終以不斃子思曰吾不能
爲舌故不能事君

廣話一

淵懿遂曠深也封巨莫莽艾祁大也須賦鋪敷布也蓋

戴熏蒙冒覆也鐘崇府最積灌聚榛叢也閱搜履危具
也攻爲話相旬宰營匠治也蠲被裡屑潔也勿莫微曼
未沒無也隆巢岸峻高也逼尼附切局鄰傳戚近亂邵
婚旨伐美也賢哀繁優饒夥多也幾蔡模臬法也蔡取者龜
義亦法也爰換變質交更易也生造奏請進也索乘採哀鉤
掠採略也開徹接通達也固歷彌宿舊尚久也彌愈滋
強益也赫斲爽曉昕著讚曙明也皆附襲就因也封畛
際限疆略界也承第班列次也戶峻格扈止也戶取其
取其改皆止之義幽曠闇昧冥也最冗自質要也疆窮充竟也
而乃爾若汝也控轡挽引也承贊涼助佐也尋由以用

也要捷集載成也肆赴捷疾也造之如適也撥督撫拾也肆子燼餘也拓斥啓開開也杜實充拓塞也實物滿也獎率勵勸也勤勉事力也經屑省過也闕缺間隙也迭遞交更也替剗沒滅也玄黔驪黝黑也縞皓素白也彤犂緼朱也淫溢沉滅沒也載功物事也

廣言二

晏明陽也吁晏晚也笑麗數也麥艾老也僉皆同也交校報也舒布展也揚藁舉也索略求也奚害何也里度居也周浹匝也充該備也列厥陳也輜輶輿也廢措置也駕乘凌也收戢歛也禁錄也掌司主也偏贅屬也麗

著思也載略行也沓襲合也抵享當也庚徹通也脩舒長也校戰交也謁復白也勅質正也商蔑末也延殽散也未浹終也此辨別也菲涼薄也復旋還也祖翼送也走叩我也性命孳子也諧籲和也後寤覺也憾猜恨也艾盡止也擱忿也奸犯也汨猶亂也縮續抽也暨捷及也苞跋本也肆臬極也睇題視也犯肆突也束縻縛也肆從逐也放投棄也莽蕪草也暴映晒也焮也晞焮乾也迺跡蹈也行演廣也表從長也荷揚擔也仍再也徇歸也工官也稽考也頭殞也躋陞也戕殘也勦截也辟除也恩惠也譴責也間非也順退也抗禦也斬取也蚩

戲也褊狹也甚忌也沮疑也虧損也毀壞也判散也蔽
斷也交俱也俘罰也夷傷也枳害也締閉也靡細也辨
使也牧臨也嘗試也賴贏也若乃也嗟發聲也奏為也
振救也庸償也賈價也贍足也曹偶也麗兩也驟數也
遲快也越遠也姑且也苟可也釋解也庸善也荐重也
登升也勵勉也赫顯也躋是也不莊也伎才也暨息也
詰言也原謹也丰豐也都盛也腆厚也肆緩也競逐也
紀基也甚忌教也整願也愬強也薄迫也燂炊也資取
也質信也餽饋也憑依也藉借也際接也閱限也廬寄
也萃集也造倅也尤恠也膏慚也索空也素故也視此

也惶往也矜惜也徂伏也覬望也何任也御侍也毀慎
也選擇也宣示也

廣訓三

諸之乎也旃焉也惡乎於何也烏乎吁嗟也吁嗟嗚呼
也有所嘆美有所傷痛隨事有義也無念念也無寧寧
也無顯顯也不承承也不肖不似也繩之譽之也詰朝
明且也遐不黃耆言壽考也公孫碩膚德音不瑕道成
王大美聲稱遠也鄂不韡韡言韡韡也我從事獨賢勞
事獨多也魴鱖甫甫語其大也塵鹿麋麋語其衆也海
物維錯錯雜也雜毛曰毳雜彩曰繪雜言曰詭

廣義四

凡無妻無夫通謂之寡寡夫曰絜寡婦曰絜妾婦之賤者謂之屬婦屬逮也逮婦之名言其微也非分而得謂之幸詰責以辭謂之讓男女不以禮交謂之淫上淫曰丞下淫曰報勞淫曰通不直失節謂之慙慙愧也面慙曰慙心慙曰而體慙曰逸

廣名五

諱死謂之大行死而復生謂之大蘇疾其謂之陟謂天子命曰未可以戚先主請諸侯命曰未可以近先君請大夫命曰未可以從先子空棺謂之櫬有屍謂之柩饋

死者謂之賵衣服謂之祿埋柩謂之殮羊至切殮坎謂之池壙謂之窆下棺謂之窆填窆謂之封宰冢也壘塋也無主之鬼謂之殤

廣服六

治絲曰織織繒也麻紵葛曰布布通名也繒綿也絮之細者曰績繒之精者曰縞縞之麗者曰素葛之精者曰絺麗者曰絺在首謂之元服弁髦太古布冠冠而散之者也題頭也顛顏額也璽謂之印紱謂之綬襜褕謂之童容亦云蔽膝布褐而紩之謂之藍縷紩縫也袴謂之褰蔽膝謂之裨帶之垂者謂之厲大巾謂之冪覆帳謂之幄

幄幕也音床第也大扇謂之翼杖謂之挺鍵謂之籥籥亦作
鑰基局謂之弈在定謂之履履尊者曰達履謂之金鳥
而金鈎也

廣器七

射有張布謂之侯侯中者謂之鵠鵠中者謂之正正方
二尺正中者謂之檠檠方六寸棘戟也鉞鉞斧也干版
盾也戈句予戟也執兕結切刃之削謂之室室謂之髀
鞞鞞鞞之飾也矢服謂之矰小船謂之艇艇之小者曰
解船頭謂之舳尾謂之艦楫謂之橈車轅上者謂之轆
轆謂之輶軫謂之枕較謂之軫衡扼也扼上者謂之鳥

啄纍纍纍也縹索也大者謂之索小者謂之繩詘而戾
之為絳膠而紵之為緹坳地也墉墉謂之陴高平謂之
太原汪池也水之比謂之汭澤之廣謂之衍

廣物八

藁謂之稭稭謂之芻生曰藪藪謂之粒菜謂之蔬禾穗謂
之穎截穎謂之銍拔心曰掘拔根曰擢把謂之秉秉四
曰管管十曰稷棘實謂之棗桑之實謂之葇柞之實謂
之椽

廣鳥九

去陰就陽者謂之陽鳥鳩鷹是也純黑而反哺者謂之

鳥小而腹下白不反哺者謂之鴉鳥白項而群飛者謂之燕鳥白脰鳥也鴉鳥鶯也鶯斯也亦曰鴉鶯

廣獸十

豕彘也彘猪也其子曰豚豕之大者謂之豨小者謂之豮鳥之所乳謂之巢鷄雉所乳謂之窠鹿之所息謂之潛潛參也積柴水中而魚舍馬

度

跬一舉足也倍跬謂之步司馬法六尺為步四尺謂之仞倍仞謂之尋尋舒兩肱也倍尋謂之常五尺謂之墨倍墨謂之又倍丈謂之端倍端謂之兩倍兩謂之疋疋

有謂之束禮玄纁五兩以兩為束每束兩兩卷之二丈之數與此制異馬量

一手之盛謂之溢兩手謂之掬掬四謂之豆豆四謂之區區四謂之釜釜二有半謂之數數二有半謂之缶缶二謂之鍾鍾二謂之秉秉十六斛

二十四銖曰兩兩有半曰捷倍捷曰舉倍舉曰鈔鈔謂之銖二銖四兩謂之斤斤十謂之衡衡有半謂之秤秤二謂之鈞鈞四謂之石石四謂之鼓

一、...
 二、...
 三、...
 四、...
 五、...
 六、...
 七、...
 八、...
 九、...
 十、...

[Faint bleed-through text from the reverse side of the page, including characters like '東' and '西']

